

Tasdawit n Bgayet
Tamezdeyt n tsekliwin d tutlayin
Tasga n tutlayt d yidles n tmaziyt
Aseggas asdawan : 2016-2017

Aswir : Master I: Tasekla s tmaziyt.

Almud : Tasekla tamirant

Aselmad : AYAD Salim

Akayad n umesdis wis sin

- Mmeslay-d, tesqredceḡ amek i d-yella umhaz d ubeddel deg tsekla s tmaziyt deg tasut tis 20.
- Discutez et commentez les évolutions et les changements qu'a connu la littérature d'expression amazighe au cours du 20^{em} siècle.

Aseyti n ukayad

Kra n yiwellichen :

- Aseyti n ukayad macci d tullsa ar d-nales i temsirin
- Tiririyin ur ilaq ara ad ilint d izegnan: yal aferdis n tririt ilaq ad d-yettwasegzi akken iwata ama s timmad-is ama ilmend n yiferdisen i icudden yur-s
- Mi ara d-nessuter deg ukayad asegi ney asqerdec n kra yimekti ney n tmiḍrant anamek-is macci ad d-yebder yiwen timiḍranin-nni. Ilaq ad d-ibeyyen assay yellan gar yal tamiḍrant, ad d-ifk ifukal u ad d-yaru s tenfalit iwulmen.

Ihi tiririt tezmer ad tili akka:

I. Tasekla s tmaziyt temhez deg tasut tis 20 yer snat n tsekkiwin d timeqqranin : tira akked wallalen n taywalt

1. Tira tebda s ujerred n tsekla timawit d tewsat-in-is, s yin terna-d tin n usnulfu
2. Ajerred n tsekla timawit yella-d s ufus n yiserdasen n Fransa, s yin akin uyalen ula d arraw n tmurt jerrden tasekla timawit s teqbaylit (d tmaziyt sumata).
3. Tamawayt tatrart yas akka tamawayt tamennsayt mazal tedder, ass-a d tamawayt tarart i illan s waṭas, anida amur ameqqran yettili-d s wallalen n taywalt, ur tuy ara amḍiq-is lamaena ttidirent lwaḥi.
4. Gar tsekkiwin-a n tsekla assay yeqqim ijhed. Ulac tilisa gar-asent, myekcament, yal ta tettawi seg ta.
5. Tamhezt tagejdant i d-yellan d asnulfu s tira. Seg tazwara tella-d s ujerred kan, ma d tura tuyal d ansay s yiman-is. Tesɛa tiwsatin-is, akked d yilugan-is.
6. Aṭas n tewsat-in tijenṭaḍin i d-ikecmen yer tsekla n tmaziyt s usuqel akked umsasa.

II. Abeddel i d-yellan yettbin deg kra n yinedruyen, nezmer ad d-nebder

1. Tella d yiwet n tsekla , tura tuyal tefreq yef kuḥ n tsekkiwin.
2. Ibeddel usatal, seg win timawit yer yer win n timawit tatrart d tira.
3. Abeddel deg ufares d usidrer n tsekla. D tasekla i d-yettlin s wallal, adlis, radyu. Tbeddel seg tsekla tusridt yer tsekla tarusridt. Yekcem-d deg-s yimeyri akked umseflid.
4. Abeddel deg tewsat-in, kecmen-d tiwsatin ur nelli yakan deg tsekla n tmaziyt am umezgun, tullizt, ungal, tamedyazt s tira
5. Seg tsekla war ameskar ar tsekla s umeskar. Ameskar yuyal yettwassen, yesɛa izerfan (yef wayen i d-yesnulfuy, iteddu yisem-is, yettnuz wayen i d-yesnulfuy).),